

18. november 2013

UKA 2013/115  
Lars Mathæussen

**Persuttaasarneq akiorniarlugu Naalakkersuisut periusissiaat iliuusissatullu piler-saarutaat.**

(Ilaqutariinnermut Inatsisinillu Atuutsitsinermut Naalakkersuisoq)

Ilaqutariinnermut Inatsisinillu Atuutsitsinermut Naalakkersuisup nunatsinni persuttaasarneq akiorniarlugu iliuusissatut pilersaarutaanut Siumumiik ima oqaaseqassuugut.

Nunatsinni persuttaasarneq annertuumik ajornartorsiutaavoq, tamannali iliuuseqarfiginiarneqalermat ilalernaqaaq.

Pineqartoq ilaqutariinnik, inuusuttuanguanillu, allaammi meeqqanut, annertuumik siunisamat isumalluarnartumik aallarniaraluartunut unittoormik pilersitsisarpoq, ajoralu-artumimmi allaat ilaqutariinnik avissaartuunermut aallaaviusarluni.

Taama eqqugaasut meerartaat allaat angajoqqaaminniik avissaartitaanerisa kinguneri-sarpaat pineqartut angajoqqaarinngisaminni allaat ilisarismannngilluinnakkaminni perorsarneqartariaqalersarlutik, ilaqutaariiginnaangitsunuttaaq aammali innuttaaqataasunut aamma sunniuteqarnerluttarluni.

Iliuusissanik Naalakkersuisut siunniussaqaarnerat isumalluarfigaarput.

Siumumiik inassutigerusupparput taama ajornartorsiuteqalertarneq ilaatigut suliffis-saaleqinermik ilaqutariit eqqorneqartarnerat pissutaaqataasarmat, siunniussiniarnermi annertoorsuunnngikkaluamik ilinniagaqaqqaarluni atugarissaanerulernermik pilersitsisinna-nerup ilagigaa aalisakkanik suliffissuit nunatsinni atugaanerisa annikillisarneqarsimanerat ilorraap tungaanut sulissutigineqarnissaa innutaaqataasugut tamatta suleqataaffigisari-aqaripput, angusassaq atugarissaanerulernermik kinguneqartussatut takorloorneq ajor-nanngereermat.

Aammattaq Siumumiik inassutigerusupparput illoqarfiit ilaat ajornartorsiummik eqqugaa-simasutut malunnangitsoq siunniussiniarnermi paasissassarsiorfigisinnaagipput, sakkut suut atorsimaneeraat paasissallugu pingaaruteqaqisutut isigigatsigu.

Taama naatsumik Ilaqutariinnermut Inatsisinillu Naalakkersuisup siunniussaa Siumumiik ingerlaqqissasoq tamakkiisumik taperserparput.